

## **Notisi**

---

Tikinisiga 20 ni Me, 2014

NA LOTU I  
**JISU KARISITO**  
NI YALODODONU  
EDAIDAI

Kivei Ira Na Vakaitutu Raraba kei ira na iliuli oqo ena taudaku kei Amerika vata kei Kenada; Vitusagavulu ni iWasewase; Peresitedi ni iTeki, Kaulotu, kei na Tikina; Bisopi kei na Peresitedi ni Tabana

Mai na: Tabacakacakaka ni Tuvakawa kei na Tabacakacakaka ni iLavovure ni Vuli

Ulutaga Veiwaseitaki ni Valenivolavola ni Tuvakawa kei na Tabana ni Veigaravi ni Bula Rawati Koya ni iTeki

---

Me sotavi na kena sa tubu tikoga na gagadre me ra vakayagataka na lewenilotu na tekenoloji kei na ivurevure e baleta ruarua na tuvakawa kei na bula rawati koya, sa na veiwaseitaki na iyaya kei na lomanivale ena so na valenivolavola ni tuvakawa kei na Tabana ni Veigaravi ni iLavovure ni Vuli kei na Bula Rawati Koya. Ni laurai vata na ituvatuva ni kena veigaravi, sa na rawa vei rau na valenivolavola ni tuvakawa kei na valenivolavola ni iLavovure ni Vuli bula rawati koya me rau (1) vupei ira na lewenilotu kei na so tale me ra kilai ira na nodra matavuvale ka vupei ira na lewenilotu me ra solia yani na yaca ni nodra matavuvale me baleta na cakacaka vakalotu ni valetabu ka (2) vupei ira na lewenilotu me ra rawata na madigi eso ni vuli, kune cakacaka, se rawa ni vakacakacakataki koya vakataki koya.

Me ra na raica na mataveiliutaki ni iteki na kena vakayagataki na veivalenivolavola oqori me vaka na idusidusi sa kabi tiko yani oqori. Me baleta na itukutuku tale eso, veitaratara vua na manidia ni tuvakawa se bularawati koya ena iwasewase



# Dusidusi ni kena Veiwaseitaki na Valenivolavola ni Tuvakawa kei na Tabana ni Veiqaravi ni Bularawati Koya ni iTeki

1 ni Me, 2014

NA LOTU I  
**JISU KARISITO**  
NI YALODODONU  
EDAIDAI

---

Na idusidusi eso oqo sa vakaikuritaki kina lawatu sa turi oti tu me baleta na valenivolavola ni tuvakawa.

1. **iNaki:** Erau na cakacaka vata na tabana ni veiqravi ni tuvakawa kei na bularawati koya ena lomavata me rau dui rawata na kedrau dui inaki.
2. **iTavi:** Sa nona itavi taumada na dairekita ni valenivolavola ni tuvakawa ena veidusimaki ni matabete, na kena cicivaki na valenivolavola kei na kena iyaya, me vaka na lawatu ni Tabacakacaka ni Tuvakawa. Me rau cakacakavata na dairekita kei koya na kenadau ni bularawati koya ni iteki me laurai ni sa sotavi tale tikoga na gagadre ni bula rawati koya.
3. **iTuvatuva:** Erau na vakatulewataka vata o dairekita ni valenivolavola ni tuvakawa kei na kenadau ni bularawati koya ni iteki, ena nodra ivakasala na veiliutaki ni matabete na ituvaluva ni kena vakayagataki na valenivolavola. Ke gadrevi, sa rawa ni tuvai na gauna ni veiqravi duidui me baleta na veiqravi e rua, me nanumi tikoga kina na nodra vupei na petereni ruarua ni tuvakawa kei na bularawati koya.
4. **Kena Vakailesilesi:** Me ratou vakadeitaka o koya na lewe ni matabose e cake e qarava na tuvakawa kei na komiti ni bularawati koya ni iteki me sotavi na gagadre ni kena vakailesilesitaki na itavi ruarua ni valenivolavola. Erau na raica o dairekita ni valenivolavola ni tuvakawa kei na kenadau ni bularawati koya na ituvaluva ni nodra veiqravi kei na nodra tuberi na vakailesilesi. Ena so na gauna, ena gadrevi me tuberi me ra qarava ruarua na itavi ena valenivolavola o ira na vakailesilesi.
5. **Wasei ni Vale kei na iYaya:** Na veiqravi ni bularawati koya ena sega ni vakaisosomitaka na cakacaka ni tuvakawa ia erau na wasea vata na lomanivale e vakayagataki tiko ena gauna oqo na valenivolavola ni tuvakawa, na kena iyaya ni lomanivale kei na iyaya ni veiqravi. Kevaka e gadrevi, e rawa ni kerei na vale se iyaya ni veiqravi vovou ena kena vakayagataki na kena iwalewale ena valenivolavola ni tuvakawa sa turi oti tu. Ena vakayagataki ena valenivolavola na kompiuta kei na iyaya vakadonui tale eso sa vakarautaka oti tu na Tabacakacaka ni Tuvakawa, ena veitokoni ni tabana ni iyauqaqa kei na daunitekenoloji ni iteki. Ena vakayagataki talega ena valenivolavola na parokaramu ni kompiuta kei na ivurevure tale eso sa vakadonui mai na Tabacakacaka ni Tuvakawa kei na iLavovure ni Vuli. Na vakayagataki ni kompiuta kei na Initani ena valenivolavola e dodonu me muria na lawatu ena *iVoladusidusi 1: Peresitedi ni iTeki kei na Bisopi* (2010), 17.1.12 kei na *iVoladusidusi 2: Veiliutaki ena Lotu* (2010), 21.1.22. Erau na wasea vakatautauvata na valenivolavola ni tuvakawa kei na tabana ni veiqravi ni bularawati koya na itavi ni kena qarauni na vale kei na iyaya.

6. **Veivakadonui (iVakaraitaki ni Valenivolavola ni Bularawati Koya):** E vica na valenivolavola ni tuvakawa era na wasea vata na lomanivale kei na “ivakaraitaki ni valenivolavola ni bularawati koya” ka na dau dola tu ena 40 se sivia na auwa dua na macawa. Na veivalenivolavola vakaoqo ena gadreva beka me rabailevu na kena vale, levu na vakailesilesi, kei na kena iyaya me baleta na inaki ni bularawati koya. Na ikuri ni iyaya vakaoqori, ka vakarautaka na Tabacakacakaka ni iLavovure ni Vuli, ena maroroya ka qarava na Tabacakacakaka ni ICS ena valenivolavola ni iwasewase. Na mataqali valenivolavola vakaoqori ena gadrevi vakalevu cake na kena vakatulewataki ka na gadrevi tale beka ga na veisau ena kena itavi kei na kena cicivaki.